



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Diatribai De Primis Veteris Frisiae Apostolis, Sive  
Dissertationes, quibus eoru[m] anni, actus, res,  
personae, loca, tempora in eorundem actis occurrentia,  
discutiuntur, illustrantur, erroresque ab ...**

**Bosschaerts, Willibrord**

**Mechliniae, 1650**

78. Cur Durostadium non sit factum sedes Episc.

**urn:nbn:de:hbz:466:1-10958**

## DISSERTATIO LXXVIII.

Cur Durostadium non sit factum sedes  
Episcopalis.



Været meritò quispiam, cur Durostadium non sit ordinatum potius sedes Episcopalis, quam Wiltaburgum cum fuerit amplius, populosius, ab infestatione Radbodi remotius, tutius, primò per Apostolos nostros Christiana fide imbutum, ita vt in eo breui tempore 52. fana idolorum (si aurem præbeamus vulgato Marcellino) in Ecclesias Christi fuerint commutata.

Respondetur. Id maxime pependisse ex voluntate Principis liberaliter largientis. Rationes possunt adferri. 1. quod Wiltaburgum fuerit magis vastatum, desolatum Gentilium Frisonum incursionibus, ideoque Principes maluisse illud Episcopis donare, & Durostadium opulentius sibi reseruare. 2. Solebant Principes loca desolata, infrequentia, Episcopis & Ecclesiasticis concedere, vt eorum fama, industria in habitatione frequentia cultioraue euaderent plurimis ad eos confluentibus, quod Wiltaburgo, Leodio, Aichstadio, & pluribus locis accidit. 3. Quod Wiltaburgum erat propinquius, & aptius vt in Frisios Gentiles viri Apostolici docendi causâ excurrerent, Metropolitana Ecclesia fieret: alluente etiam Rheno sat contra iram Radbodi munitum erat, præsertim citeriore Frisia iam in potestatem Francorum redacta viribus Radbodi non parum attritis. 4. Existimauit Pi-  
pinus



pinus pietate ( quæ ad omnia utilis est ) precibus, meritis Sanctorum virorum tutius fore Traiectum Austrasig- que fines, quam mœnibus & armis. 5. Quia prædecessores Franci ibi aliquando Episcopale Cathedralam designarant. Dagobertus Rex Ecclesiam ædificauit, & locum in delitijs habuit; quorum vestigijs inherere placuit Pi- pino.

Durostadium ( quandoquidem in eius memoriam incidimus ) nunc vernaculè est *Wpck* aut *Wpckte Duerstadt*, Priscis Batauodurum, cuius Tacitus meminit lib. 5. Hist. agens de funesto prælio in Batauis inter Cerealem & Ciuilem imperante Vespasiano, quo tempore Romani Batauoduri Legionem habebant & stratum pontem quæ oppugnauit Ciuilis Batauorum Dux. Urbem hanc ( inquit Petrus Montanus ad Tabulas Geographicas Kærrij ) opibus copijsque affluentissimam fuisse memorant Annales, in eaque plura quam quinquagena abundasse fana; quæ res ( quod bona pace Annalium dictum sit ) verosimilis mihi non sit. Vt cumque sit, à Nortmannis, qui cuncta ferro & incendijs fæde vastabant, excisam dirutamque omnes fere consentiunt, contractioribusque pomerijs inclusam. Locuples satis modo est oppidum ob situm ad Rhenum commoditatemque subuectionis rerum necessariorum. Distat Culenburgo ad miliarium unum, Traiecto ad tria, situ loci peramœno. Habet arcem veteris operis non contemnendam, in qua ferme sedem habere solebant Præsules Traiectini, non ob amœnitatē tantum & omnigenam commoditatem quam locus vitæ præstat, sed quod veluti secessus quidam sit secretus à turba interpellatorum.

Marcellinus cap. 13. liberalissimè refert, circa annum 700, S. Willibrordum & Swibertum in grandi Vico Dueritadt



erstadt consecrassè 52. Ecclesias Parochiales. Quis credet tam paruo temporis spatio, primis fidei incunabulis, non amplo Christianorum statu, in vico vno consecratas Ecclesias quinquaginta duas, & quidem Parochiales? Exemplum simile non occurrit.

## DISSERTATIO LXXIX.

De quibusdam circa donationem Episcopalis  
sedis à Pipino factam

**C**itato cap. 13 Idem Marcellinus, cur Willibrordus sit potior digniorque Episcopus, quam S. Swibertus, qui etate & consecratione erat prior, declarat per hæc verba: *Et licet S. Swibertus egregius Pontifex praecefferit S. Willibrordum tempore, tamen S. Willibrordus praeceedit S. Swibertum dignitate, & primus Archiepiscopus Traiectensis reputatur, eo quod à S. Sergio Papa Archiepiscopus Frisonum specialiter consecratus, & à sede Apostolica ad eundem populum missus fuerit: atque quod ab Illustri Principe Pipino de Herstallo & à glorioso filio eius Carolo Martello ex Regali donatione ciuitatem Traiectensem cum suis appendicibus pro se & suis successoribus Episcopis Traiectensis Ecclesiae impetrauerit. Et ideo S. Swibertus, non Episcopus Traiectensis appellatur, sed cœpiscopus S. Willibrordi. Quæ in vltima ratione atque quod ab Illustri Principe Pipino, &c. accommodatè sunt accipienda, aliàs decipere nata. Colligeret quis inde Pipinum dedisse S. Willibrordo Ciuitatem & iura quæ in Traiecto possedit, quod minimè verum est: Pipinus solum donauit palatium regale ruinosum (secundum Hedam) intra castrum, quod à Regibus Franciæ fuerat cultum ante inuasionem Radbodi Regis, & iam per Frisiorum malitiam desolatum.*  
Donauit